

# PAPAKILO

Hawaiian Newspapers Collection [Menu](#) ▾

[Translate](#)  
www.welch.org

Ka Nupepa Kuokoa / 24 January 1913

/ HALA KA MEA HANO HANO MOANAULI Pauaho Mai Oia i Keia Ola Ana ma Kahi o Kana Kaikamahine ma Waikiki.

Ka Nupepa Kuokoa, Volume XLIX, Number 4, 24 January 1913 — HALA KA MEA HANO HANO MOANAULI Pauaho Mai Oia i Keia Ola Ana ma Kahi o Kana Kaikamahine ma Waikiki. [ARTICLE]

[Back](#)

# HALA KA MEA HANO HANO MOANAULI

## Pauaho Mai Oia i Keia Ola Ana ma Kahi o Kana Kaikamahine ma Waikiki.

Mahope iho o ka hoomailo ana a ka ma'i maluna o kona kino no na mahina loihi, ua pauaho mai la ka Mea Hanohano J. W. Moanauli ma ke kaka-

hauka o ka Poakahi nei, ma ka home noho o kana kaikamahine Mrs. Kana-kani ma Waikiki.

No kekahi mau kau lehulehu o ka ahaolelo, i hala aku nei, e ike mauia ana oia he hoa no kela aha mai ka Mokupuni mai o Hawaii, a he nui no hoi kana mau kulana ko 'iko'i i paa ai, iloko o na manawa like ole, a hiki i kona moe okoa ana aku la no ka manawa mau loa.

Ua hanauia ka Mea Hanohano J. W. Moanauli ma Kohala, Hawaii. Oia ke keiki a Kainapau, ka hoahanau mua o ke kaukauwai Naihe o Kohala a o kona makuahine hoi o Namoomoo, he kaukauwai no oia no Kohala.

Ma ke Kula o Lahainaluna kona wahi o ka hoonaunaoia ana iloko o kona mau la opio, a he loio oia ma ka oiha-na pili kanawai. No kekahi mau kau lehulehu nae o ka ahaolelo, ua kohoia oia i lunamakaainana mai Hawaii mai, a mawaho ae o kela mau kulana, he lunakanawai, a he makai nui oia no Hawaii iloko o kekahi mau manawa.

Iloko o ka makahiki 1881, i mare aku ai o J. W. Moanauli ia Mrs. Henry A. Beers o Honolulu nei, a ua waiho

180 OIA I KA WAIHINE KAUHAKA, HE HE  
keiki ame na moopuna lehulehu mahope  
pe nei e kumakena aku nona.

He makuakane kolea o Mr. Moanauili  
no Mrs. S. M. Kanakanui o Honolulu  
nei, Mrs. James Cornwell o Waikapu,  
Mau; Wm. Henry Deers, ka loio kala-  
na o Hawaii ame Mrs. Namohala o  
Hilo.

CHARLESTON, S. C., Ianuari 21.—

He make weliweli hou na ka moana ka  
i hoikeia mai ianei ma ka la i nehinei  
i ka wa i hoia mai ai ke Kapena Reed  
o ka mokuahi Duchess Pheoda a hoike-  
mai la i ke piholo ana o kekahi moku-  
ahi Denemaka uui mawaho mai o na  
lae o Plymouth. Enelani, ma ka la 26  
o Dekemaba, iloko o ka ino nui.

Ua mau holookoa na luina me na mea  
apanu maluna o ka moku i ka make.  
Aole i maopopo ka inos o kela moku,  
aka nae ma ka mauo o na alimoku o  
ka Pheoda me he mea la o ka mokuahi  
Ivar o Kepenehegena.

WASHINGTON Ianuari 21.—Ua apo-  
no ke komite maluna o na hana imi-  
leaa, na hana akamai ame na hana ho-  
ikeike i keia auwios la me ka lokahi  
i ka bila kanawai a Rodenberg e hoo-  
kaawale ana i \$2,000,000 no na hana

hoikeike a ke aupuni ma ka Hoikeike  
Nui e malamaia ana ma Kapalakiko i  
ka 1913.

This article has been automatically clipped from the Ka Nupepa Kuokoa 24 January  
1913, organised into a single column, then optimised for display on your computer  
screen. As a result, it may not look exactly as it did on the original page. The article can  
be seen in its original form in the [page view](#).